

An ewe chon imweim pung me wisan.

(Seni January 08, 2021)

Epwe kamotiw meomeon ewe imw?

- Ewer. Ewe meomeon imw epwe kamotiw usun mi fifis me mwan. Ika pwe omw moni tonong mei kukunutiw ika mei wor ekewinini non ekkoch sokkun pekin a esenipa ngeni kukunutiwen omw mwoni tonong, mutir esinei ngeni noum we souimw an epwe awora ew anapanap kamotiw meomeon imwom we, ika tungor an anisis ngonuk ren ekkewe pekin aninis ren monien imweim.
- Ika en mei imweimw ekkewe imw a kamu meomeon iteiten maram seni ekkewe anisin meomeon imw, kopwe ne kokori ewe meinapen ewe neni ke imweim non ika ewe ofes a wisan amwora ewe anisin meomeon imwomw an epwe nengeni sefani niwinim imwomw we

Use mo monatiw meomeon imwei we, ewe souimw mei tongeni atoowei seni?

- Apw. Mi wor ekkewe annukun muunap non merika me mun ew me ew state mei epeti an ewe souimw epwe tongeni atoouu ewe chon imweimw ren an esap kamotiw meomeon imwan we, chinon chok ika epwe atai nonomwun pekin tumunun nimoch me feiengaw, ika ewe neni a nom won amomo, ika ewe souimw me an famini repwene pusin tonong nonomw non.
- Ren ewe anukkun meomeon imw minne a kawor ren won ei fonu a wor manamanan tori February 14, 2021. Ren ewe anukkun seni ewe mwunaap non merika minne a katou seni ewe ofesin Disease Control and Prevention (CDC) a annuku pwe ekkewe chon imweimw rese monatiw imwer kewe resap tou seni tori nesoponon January 31, 2021

Ewe souimw mei tongeni ekinata meomeon imwei we non ei fansoun samaw?

- Apw. Fan pungun ewe annukun ei fonu Hawaii a nom non ewe Hawaii Revised Status, a annuku ekkewe souimw ar resap awateita are ekinata ewe meomeon imweim non Hawaii non ei fansoun governor mei epugango pwe ei fonu mei nom non watten osupwang mei atapwanapwan faniten ei samaw

Uwa nafangaw ne monatiw meomeon imwei we, met upwe tongeni fori?

- Awor ekkewe pekin aninisin meomeon imw mei kawor ngeni ekkewe chon imweimw non Hawaii me pwan ir ekkewe chon kamo imwer minne mei weneitir an epwe kisikisino niwinir ika ar moni tonong faniten ei samaw COVID-19. Noum we souimw epwe tipeew ngeni an epwe angei ekkei sokkun aninisin meomeon imw me meomeon ekkei imw repwe no foch ngeni ekkewe souimw.
- Catholic Charities Rental Assistance me Mediation Program ra awora tori \$1,500.00 ew maram epwe kawor ren rent ren ruu(2) maram. Chon amasou ngeni ei aninis repwe nomw fan ewe 100% Area Median Income me chon amasou fan ewe 50% ren Area Median Income repwe akomw ika prioritized. Won line application epwe kawor ren chok nefinen January 11 – 13, 2021 ren application non taropwe epwe ketiw tori January 18, 2021. Ren saposopun me pwan ekkoch porausen ekkei program ka tongeni kuna won: <https://www.catholiccharitieshawaii.org/housinghelp/>.
- DHHL Emergency Rental Assistance Program mi chok sopwosopwono ne angei taropween ammasow: <https://www.auw.org/covid-19-assistance-programs> Epwe nom won noun DHHL we taropwen witiwit ren 12/31/2018 ren tufichin nounou ei aninis

Ifa usun ai upwe esinei ngeni nei we souimw ai uwa nafangaw ne monatiw meomeon imwei we?

- Epwe taweoch omw ei osukosuk ika ka churi noum we souimw ne aporausia ngeni nonomum non ei fansoun. Ren an epwe anisi ekkewe souimw me pwan ekkewe chon imweimw ne nengeni menni ekkewe anapanapen kamotiw meomeon imw pwan angang fengen an epwe wor kinamwe me wewech fenngen nefinen chon imweimw me ekkew souimw, ekkewe nenien aninis ren monien atapwanapwan Rapid Response mediation Programs. En mei pwan tongeni tungorei ewe ofes a anisuk epwe wisen uwei tungor ngeni noum we souimw ika poputani ewe tungor ren angang fengen ren meomeon imwom we. Ka tongeni tungor won videoconference, won tengwa ika ewe online platform, ewe souimw me chon imweimw repwe angang fengen fiti ewe chon anisuk ren an epwe kekisiw meomeon imwomw we ika ifa usun napanapen an epwe kamotiw meon imwom we. Ikkei ekkewe neni
 - Oahu: Mediation Center of the Pacific tengwa 808-521-6767
 - East Hawai'i: Ku'ikahi Mediation Center tengwa 808-935-9844
 - West Hawai'i: West Hawai'i Mediation Center tengwa 808-885-5525
 - Maui County: Maui Mediation Services tengwa (808) 244-5744
 - Kauai: Kauai Economic Opportunity, Inc. Mediation Program tengwa (808) 245-4077 x229 or x237

Met epwe fis ika uwa angei nei taropwen touseni imwei we nge ese chiwen wor manamanan?

- Ewe fansoun katou seni imwom we epwe pwan forsefan fansoun. Ren omw kopwe kuna ika a pwan forsefan fansoun, ka tongeni kokori ewe ofesin Soukopung ika Judiciary won ewe tengwa (808) 539-4909 ika cheki won online me ren eCourt Kokuu: https://www.courts.state.hi.us/legal_references/records/jims_system_availability.

Met epwe fis fansoun ewe annuk a tori nesoponon?

- Nupwen ewe annukun ei State ren ekkewe rese tongeni tou seni imwer kewe pokiten rese monatiw aa tongeni muchuno ika sopweno non pwinin maram February 14, 2021. Nge ika en mei chok chiwen nafangaw ren tufichin monatiw meomeon imwom we, iwe kopwe ne tongeni tou seni imwom we nge noum we souimw epwe mut ngonuk fansoun omw kopwe ne toou ika kese monatiw. Nupwen ekkeei ekkesiiwinin annukun katoou seni iimweimw – seni ewe mwuun Hawaii, ewe Mwuunap, CDC – repwe mwuch, noumw we souimw a tongeni epwe angaanga angaangen atotoou pwokiten ese kameotiw meomeon iimw ika rent.

Nei we souimw a esipano imwei we me aukano konik me fifi faniten ai use monatiw meomeon imwei we.

- Ese mumuta noum we souimw epwe esipano imwomw we me aukano konik me fifi faniten om kose monatiw meomeon imwomw we tori an epwe wor echo taropwe seni soukapung. Ika omw we konik me fifi ra kauno ika kesipeno sonuk, ka tongeni fori echo taropwen an ei osukosuk epwe kauno esap kesipeno om fifi me konik. Ren tichikin porausan ka tongeni katon ach kena kapasen esinesin won www.legalaidhawaii.org/housing-covid-19.html.

Nei we souimw a tinato echo taropwen esinesin ren ai upwene tou me non imwei we, awora ewe taropwen tou, kapung ngeni ei ren meomeon imw, pwan awora echo taropwen osukosuk ngeni ei, met upwene tongeni fori epwe ukutiw met upwe tongeni fori?

- Mi wor ekkoch mettoch ewe souimw esapw fori ren fofforun katoou seni iimw non ei fansoun, nge mwen kopwe ponuwani a auchea kopwe kutta sokkun aninis ren annuk omw kopwe sinei omw pung me wisom ren emon chon imweim.

Met upwe fori ika a wor ai kapas eis?

- Ka tongeni kokori ewe ofesin Legal aid ren aninis won ewe tengwa (808) 536-4302 (ika 1-800-499-4302), Sarinfan ngeni Animu, kunok 9:00 am-11:30 am and 1:00 pm-3:30pm. Ka pwan tongeni ammasow tungorun ach aninnis won lain www.legalaidhawaii.org.